

Na osnovu člana 16. stav 4. Zakona o Vladi Zeničko-dobojskog kantona-Pročišćeni tekst („Službene novine Zeničko-dobojskog kantona”, broj 7/10), na prijedlog Ministarstva za pravosuđe i upravu, Vlada Zeničko-dobojskog kantona, na 42. sjednici, održanoj dana 09.02.2016. godine, d o n o s i

ZAKLJUČAK

I.

Prihvata se stajalište Ministarstva za pravosuđe i upravu vezano za prijedlog zastupnika Senada Trake o prijedlogu izmjene i pomjeranje rokova donošenje Zakona o plaćama u organima vlasti Zeničko-dobojskog kantona u smislu, da se: „Rok: Nacrt: novembar, Prijedlog: decembar“ iz Radne verzije Prijedloga Programa rada Skupštine Zeničko-dobojskog kantona za 2016. godinu, pomjeri na „Rok: Nacrt: februar, Prijedlog: februar“, a što proizilazi iz načina na koji je formuliran prijedlog tražene izmjene i pomjeranja rokova donošenja i nacrt a i prijedloga navedenog Zakona.

II.

Zaključak sa Stajalistem Ministarstva za pravosuđe i upravu, broj: 06/02-02-17985-2/15 od 4.2.2016. godinu, upućuje se u dalju skupštinsku proceduru.

III.

Zaključak stupa na snagu danom donošenja.

PREMIJER

Miralem Galijašević

Broj: 02-_____/16.

Datum, 09.02.2016. godine

Zenica

DOSTAVLJENO:

1x Ministarstvo za pravosuđe i upravu,

1x Stručna služba Skupštine,

1x a/a.



Broj: 06/02 -34-17985-2/15
Zenica, 4.2.2016. godine

Vlada Zeničko-dobojskog kantona uputila je Ministarstvu za pravosuđe i upravu aktom broj:02-1-34-17985-1/15 od 2.2.2016. godine, prijedlog zastupnika Senada Trake za izmjene i pomjeranje rokova donošenja Zakona o plaćama u organima vlasti Zeničko-dobojskog kantona, koji je Skupština Zeničko-dobojskog kantona, aktom, broj: 01-34-17985-5-2/15 od 27.1.2016. godine, uputila Vladi Kantona a radi davanja stajališta povodom prijedloga. U tom smislu Ministarstvo za pravosuđe i upravu daje slijedeće

STAJALIŠTE

Podneseni prijedlog podrazumjeva izmjenu i pomjeranje rokova donošenja Zakona o plaćama u organima vlasti Zeničko-dobojskog kantona u smislu, da se:

„Rok: Nacrt: novembar, Prijedlog: decembar“ iz Radne verzije Prijedloga Programa rada Skupštine Zeničko-dobojskog kantona za 2016. godinu, pomjeri na „Rok: Nacrt:februar, Prijedlog: februar“, a što proizilazi iz načina na koji je formuliran prijedlog tražene izmjene i pomjeranja rokova donošenja i nacrti i prijedloga navedenog Zakona.

Nacrtom Programa rada Vlade Zeničko-dobojskog kantona za 2016. godinu, utvrđenim Zaključkom Vlade Kantona, broj: 02-34-21831/15 od 10.12.2015. godine, u dijelu Normativno - pravni poslovi - oblast pravosuđa i uprave, predviđeno je donošenje Zakona o plaćama i naknadama u organima vlasti Zeničko-dobojskog kantona, nositelj izrade je Ministarstvo za pravosuđe i upravu Zeničko-dobojskog kantona, predlagач Vlada Zeničko-dobojskog kantona a donositelj akta Skupština Zeničko-dobojskog kantona.

Pravni osnov za donošenje Zakona o plaćama u organima vlasti Zeničko-dobojskog kantona je Zakon o plaćama i naknadama u organima vlasti Federacije Bosne i Hercegovine (“Službene novine FBiH”, broj: 45/10 i 111/12). Razlozi za donošenje su sadržani u potrebi usklađivanja sa Zakonom o plaćama i naknadama u organima vlasti Federacije Bosne i Hercegovine i nastojanju da se za iste ili slične poslove isplaćuje ista plaća na prostoru cijele Federacije Bosne i Hercegovine, te da se jednim propisom regulira obračun plaća za ista ili slična radna mjesta kao i obračun naknada, a ne da kao sada obračun plaća i naknada bude reguliran podzakonskim aktom. Postupak donošenja predmetnog zakona je redovna procedura, tako što Vlada Zeničko-dobojskog kantona na prijedlog Ministarstva za pravosuđe i upravu Zeničko-dobojskog kantona utvrđuje Nacrt i Prijedlog za donošenje Zakona i upućuje ga u skupštinsku proceduru.

Planirani rok razmatranja na sjednici Vlade Kantona je za Nacrt: oktobar, a za Prijedlog: novembar.

Ministarstvo za pravosuđe i upravu je o prednjem obavijestilo i Stručnu službu Skupštine, aktom broj: 06/02-02-19875-2/15 od 1.12.2015. godine.

Prijedlog zastupnika Senada Trake za izmjenu i pomjeranje rokova donošenja Zakona o plaćama u organima vlasti Zeničko-dobojskog kantona, je neprihvatljiv i iz sljedećih razloga:

- Proračun Zeničko-dobojskog kantona za 2016. godinu, nije usvojen;
- Zakonu o radu (“Službene novine Federacije BiH”, broj: 62/15), prisluje zaključivanje novih kolektivnih ugovora: opći, granski i pojedinačni (kod poslodavca);
- Zakon o državnoj službi Ze-do kantona predviđen je u Nacrtu Programa rada Vlade Kantona za: Nacrt: oktobar, Prijedlog: novemba

- Također, u međuvremenu došlo je do približavanja stajališta predstavnika Samostalnih sindikata državnih službenika i namještenika u organima državne službe, sudskoj vlasti i javnim ustanovama u Federaciji BiH, Sindikalne organizacije kantonalnih organa državne službe Zeničko-dobojskog i Vlade Zeničko-dobojskog kantona pa u tom pravcu će se i razmatrati u fazi Prijedloga Programa rada Vlade Kantona i pomjeranje rokova razmatranja predloženog Zakona kako slijedi: „ Nacrt: lipanj/juni. Prijedlog: srpanj/juli“, te u tom kontekstu treba razmotriti i pomjeranje rokova Radne verzije Prijedloga Programa rada Skupštine Zeničko-dobojskog kantona za 2016. godinu.

Imajući u vidu naprijed navedeno stajališta smo da *predložena izmjena i pomjeranje rokova zastupnika Senada Trake, donošenja Zakona o plaćama Zeničko-dobojskog kantona za februar 2016. godine je neprihvatljiv.*

S poštovanjem,

MINISTAR

Mirnes Bašić